

Guangjisi Minzcu Bau

ganbbau: CN45-0036 B.2013 Nd.1 Ng.2 liggaueq nyaemzsaenz nienz ndwenit ngeih 'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3055期

Denzyangz Yen Feihvuzciz Vwnzva Yizcanj Henhoh Gunghcoz Cwngzyau Yienhda

田阳县非物质文化遗产保护工作成效显著

Gaenh bi daeuj, Denzyangz Yen ciuq aen fanghcinh "henhoh guhcawj, ciengigouq daih'it, hablex leih-yungh, swnjcienz fazcanj" bae guh-hong, nyinhcaen gyagiengz feihvuzciz vwnzva yizcanj henhoh gunghcoz, aeundaaj cwngzyau yienhda.

2006 nienz 6 nyied 《Seilizsij Bakriuz Baeuqroxdoh》 ndaej lied haeuj guekgya gaep feihvuzciz vwnzva yizcanj henhoh hanghmoeg. 2006 nienz 8 nyied 《Seilizsij Bakriuz Baeuqroxdoh》、《Fouxsaecij Bouxcuengh》 ndaej lied haeuj swcigih gaep daih'it buek feihvuzciz vwnzva yizcanj henhoh hanghmoeg. 2007

nienz 1 nyied 《Seilizsij Bakriuz Baeuqroxdoh》、《Fouxsaecij Bouxcuengh》、《Byagamjcuengh Hawfwen Bouxcuengh》 ndaej lied haeuj Bwzswz Si daih'it buek feihvuzciz vwnzva yizcanj henhoh hanghmoeg. 2010 nienz 《Fwen Gujmeij》、《Ciengj Bauqva》、《Hawfwen Byagamjcuengh》 3 aen hanghmoeg neix ndaej doigawj haeuj daih'it, daihngieih buek swcigih gaep feihvuzciz vwnzva yizcanj gya' gvangq hanghmoeg. 2010 nienz 《Denzyangz Fouxsaecij Bouxcuengh》 ndaej lied haeuj guekgya gaep daihsam buek feihvuzciz vwnzva yizcanj henhoh mingzloeg.

Bi' gvaq, Denzyangz Yen youh dawz "yinhyoz ndawbiengz" daengj 31 aen hanghmoeg lied haeuj daihngieih buek yienh gaep feihvuzciz vwnzva yizcanj mingzloeg, caemhcai qyengq sevei gunghbu. Baenzneix, aen yienh neix gungh miz 69 hangh ndaej lied haeuj yienh gaep feihvuzciz vwnzva yizcanj mingzloeg, 5 hangh ndaej lied haeuj swngj gaep feihvuzciz vwnzva yizcanj mingzloeg, 6 hangh ndaej lied haeuj si gaep feihvuzciz vwnzva yizcanj mingzloeg.

(Vei Mubingh)

SIUSIK DINJ

简讯

● Gaenh bi daeuj, Denhdwngj Yen roengzrengz gyavai q guh "vwnzva hawj vunz lai souh'ik gunghcwngz". Daengz dangqnaj, aen yienh neix gaenq youq 124 aen hingzcwngcunh hwnjguh ransaw nungzgyah, cienzbouh guh doh gak mbanj lo; souyo saw 40 lai fanh bonj. Ransaw guhbaenz le ndaw yienh haujlai ganbu ginzcong cizgiz haeuj ndawde bae hagsib.

(Vangz Lilanz)

● Bi' gvaq, Gvangsijh Ginhvei Nungzyez Douzswih Cizdonz youq Lungzanh Yen swngheanj gyoijhom 11 fanh dun, beij bi' gyai demhwnj 40%, canjciz 2.5 ik maenz, boux ndaem gyoij bingzyaenz moix boux souhaeuj 2.5 fanh maenz.

(Yi Sienghceenz)

● Dangqnaj, Nanzningz Si gaenq youq daengx si gak cungh siuj yozyau gyoebguh minzcuz gohvujdonz 9 aen, gensez minzcuz conzdungj diyzuz yinlen gihdi 10 aen, gaihcanj minzcuz vwnzyi baijok hozdung 30 lai ciengzbaez, minzcuz doxgiet gyauyuz 60 lai baez.

(Yauz Senhyih)

● Bi' gvaq, Denzlinz Yen-veij, Yen Cwngfuj leihyungh 10 fanh moux diegfaex haenqrengz fazcanj laj faex ciengx gaeq canjyiez, hawj nungzminz demsou. Daengz bi' gvaq 11 nyied daej, daengx yienh gaenq ndaej gai gaeq 815 fanh duz, canjciz 2.85 ik maenz, daengx yienh ciengx miz gaeqnoh 204.79 fanh duz. Guj daengx bi okroengq gaeqnoh 950 fanh duz, canjciz 3.33 ik maenz.

(Banh Sauginh)

● Gaenh bi daeuj, Lozcwngz Mulaujcuz Swciyen daihlig bangfuz Siujcangzanh Cin Lozdungh Cunh Yazyiz Seveicujyi Sinh Nungzcunh fazcanj daegsaek dajndaem nem nungzyez liyouz, hawj nungzminz demsou. Dangqnaj, aen cunh neix laebguh nungzminz dajciengx dajndaem canjyiez hozcozse, seyen z miz 40 lai ranz, guhbaenz 20 aen laj bungz dajndaem lwgmak lwggva gihdi, ndaem 10 moux lwgmak lwggva, 330 moux oij, 30 moux gosangh.

(Liu Gvanghfuz)

Yungzsuij: Ciengq Go Gag Bien Angqcoux Bi Moq



融水:

唱原创歌曲 喜迎新年

12 nyied 26 hauh banhaemh, Yungzsuij Myauzcuz Swciyen gawjhengz daih'it gaiq go gag bien yenj-cangvei. Miz 130 lai boux bouxbiengo, canghfwen, goengqde dwg Myauzcuz, Yauzcuz, Duncuz, Bouxcuengh daengj, doxcomz daeuj ciengq 20 lai souj go gag bien youh gig miz daegsaek saujsu minzcuz haenx, angqcoux bi moq. Ndaw doz dwg sam boux canghfwen Myauzcuz ciengq ciengq go Myauzcuz gag bien.

(Lungz Linzei)

Lungzlinz Yen Baengh Cietgingq Minzcuz Fazcanj Lijyouz Canjyiez 隆林县依托民族节庆力促进旅游业发展

Bi' gvaq, Lungzlinz Gak Cuz Swciyen aeu cietgingq saujsu minzcuz guh baengh, cungfaen vatgud minzcuz vwnzva swhyenz, coicaenh liyouzyez fazcanj gig vaiq. Bi' gvaq 1 daengz 11 nyied, aen yienh neix gyoebuenq ciepdaih hekyouz 50.8 fanh vunzbaez, doengzbeij demhwnj 15.9%, liyouz cungjsouhaeuj 3.65 ik

maenz, doengzbeij demhwnj 20.8%.

It dwg vatgud feihvuzciz vwnzva swhyenz, dajcaux saujsu minzcuz cietgingq binjbaiz. Cungfaen vatgud cietgingq vwnzva Myauz, Yiz, Gwzlauij nem Bouxcuengh daengj saujsu minzcuz, daihlig bangfuz gak minzcuz gawjbanh cietgingq hozdung. Bi' gvaq, gij cietgingq hozdung 4 aen

minzcuz ndaw yienh neix gungh ciepdaih hekyouz ndaw guek 23 fanh vunzbaez, liyouz cunghab souhaeuj 1.61 ik maenz. Ngeih dwg gyadaih senhconz ligdoh, daezswng liyouz binjbaiz hingzsieng. Sam dwg baengh Bwzswz "hungzswz liyouz", doi-doengh minzcuz funghcingz vwnzva liyouz fazcanj. (Dauz Dwzgvangh)